

懷寧縣志卷三十三

祥異

康熙志於日月薄蝕五星凌犯之在南斗者皆載入祥異中按明史天文志云兩星經緯同度曰掩光相接曰犯亦曰凌緯星出入黃道內外凡恒星之近黃道者皆其必由之道凌犯皆由於此而行遲則凌犯少行速則多數可預定非如彗孛飛流之無常然則天象之示炯戒者應在彼而不在此至於月道與緯星相似而行甚速其出入黃道也二十七日而周計其掩犯恒星殆無虛日豈皆有休咎可占道光志不取第載本郡水旱及諸變異之事以備覽今仍之

漢元帝永光五年廬江等郡雨壞鄉聚民舍及水流殺人

後漢安帝永初三年廬江饑調零陵桂陽租來賑

元初四年六月廬江雨雹

桓帝元嘉元年二月大疫

三國後帝建興三年六月皖口言木連理

延熙三年冬吳饑廬江尤甚

晉武帝太康十年十二月廬江雷電大雨

元帝大興二年五月廬江等郡蝗蟲食秋麥

穆帝永和元年三月甘露降廬江郡內桃李樹

孝武帝大元六年江東大饑廬江尤甚

梁元帝承聖元年四月晉熙等五郡大饑死者十八九魯悉達
招集之

唐元宗開元十九年六月舒州白鹿見

文宗太和四年夏江水溢沒舒州民田數百戶

七年秋舒州大水害稼

宣宗大中十二年八月舒州水害稼

後周太祖廣順元年四月舒州大饑

宋太祖開寶四年六月舒州水漲壞廬舍民田

太宗太平興國二年五月舒州麥秀兩歧

七年三月舒州上元石有白文曰丙子年出趙號二十一帝

端拱二年七月舒州芝草生

淳化二年六月舒州竹連理

三年正月舒州甘露降四月又降

四年六月舒州甘露降

至道元年七月舒州粟畦兩本歧分十穗

眞宗咸平四年八月嘉禾生

眞宗大中祥符五年十月舒州獲瑞石文曰誌公記

景德三年懷寧縣民家二柳之合生

天禧三年四月舒州甘露降

神宗元豐元年舒州山水暴漲侵官私廬舍損田稼溺居民

高宗紹興二十八年舒州白龜見

孝宗乾道三年六月舒州水壞苗稼

四年春舒州雨黑米堅如鐵破之米心通黑

五年舒州民獻龜駢生二首不能伸縮

淳熙七年舒州自四月不雨至於九月大旱

十地年舒州旱

寧宗慶元五年安慶大水害稼

度宗咸淳七年二月安慶飢

元成宗大德七年七月安慶路大飢

順帝至元元年懷寧縣蝗十二月丙子安慶地震

至正十五年夏大雨安慶江漲田禾半沒城下水湧有物吼聲如雷

明太祖洪武二十八年郡譙樓災

成祖永樂四年安慶飢

景帝景泰五年大水六月安慶蝗

英宗天順元年安慶雨自五月至七月渰禾苗

六年蝗

憲宗成化二年旱大飢

十年大水五月至九月人皆乘舟入市

十二年冬大燠桃李華

十四年大旱

十七年二月十日地震有聲

孝宗宏治六年大水

十年五月天鳴地震

十一年大疫

十四年安慶大水蛟出漂流房屋

武宗正德四年大旱

五年九月大水六月虎入城

六年水害稼

八年十月大雪殺竹木幾盡

懷寧縣志

卷三十三 祥異

四

十四年四月懷寧水

十三年五月懷寧水冬虎入城

十四年三月李結實如瓜四月大水

世宗嘉靖元年懷寧水害稼

二年大旱疫

十一年大旱蝻害

十八年大水

二十三年大旱十二月雷

二十四年大旱飢

穆宗隆慶三年夏大水

神宗萬曆十二年六月六日地震

十四年大水害稼

十六年大旱疫

十七年大飢疫

二十年夏秋不雨蝥

二十六年夏大水懷寧淹沒田禾無算

四十四年七月懷寧民家產一犬長五寸高四寸一頭二身八

脚狀如人

崇禎元年正月朔大雷雨

七年正月地震十月雨黑黍

懷寧縣志

卷三十二 祥異

五

八年正月地震二月雨黑黎如蒺藜子

九年十月雨穀

十一年地震有聲怪風折木轉石

十三年江漲船入板井巷南門內水深三尺

十四年大旱蝥疫人相食死者枕籍

十五年大飢疫

十六年冬至大雷雨

清順治三年大旱

四年夏大水大飢米石錢五千

八年四月大雷雨懷寧山水暴漲蛟出漂田舍無算

九年二月十四日地震有聲四月不雨至秋八月

十年旱冬大雪雨大冰

十一年正月地震有聲

康熙二年秋大水江漲入市至十一月始退

八年十月初旬大雷雨雹

九年正月十八日雷大震仲冬大雪嚴寒匝月不解木介滿山

冬鄉村每夜有人影踪跡扣門擲瓦礫如盜賊狀十一月起至

十二月始靖占者謂之旱魃

十年夏秋無雨大旱饑

十七年自六月不雨至八月大旱

十八年自五月不雨至八月大旱

二十一年夏大水

雍正八年秋七月大水

乾隆十四年楊奎百有二歲有坊

十五年李价人妻施氏一產三男

二十三年虎入城

二十四年秋八月蝗

二十五年梁國妻石氏百歲有坊

二十九年夏六月大水入城南門

三十年民訛言有陰兵老弱驚竄有妻子相失者

三十一年 大水

三十三年夏大水冬地震

三十五年夏大水九月初三日雪平地四五寸

三十八年徐有章百歲楊宗五百有二歲焦文燦妻汪氏百歲俱有坊

三十九年大水

四十二年馮克澄妻丁氏百歲

四十六年大旱劉從選百歲

四十九年陳臺五百有三歲

五十年大饑人相食

懷寧縣志

卷三十三 祥異

七

五十三年大水地生火以木插溝渠熱氣上騰如蒸

五十六年七月地震

六十年與千叟宴賜給銀牌鳩杖者有文魁翁鸞徐世鈺何贊童秉禮朱禮眉李玉均

木之神異者昔年縣學中有阜茨每當大比之歲以其結實之數占中雋之數無爽大橋頭有五穀樹每歲結實如稻則稻熟如麥則麥豐若有疾疫寇戎則或結爲棺槨兵戈之狀焉

嘉慶元年王大本百有三歲賜從九品銜性急公所居鄉常患水倡築圩堤道光二年蝗率衆撲滅邑令朱士達給以大椿衍慶扁額

三年五月蝗至冬不絕

四年蝗

五月夏大水壞民田舍

九年夏大水

十二年二月十三日黃霧四塞陳德昌賜五代同堂匾額

十三年閏五月十三日蛟水暴漲壞民田舍無算陳致遠百有

三歲有坊朱宗光妻陳氏百歲賜八葉衍祥匾額亦有坊

十五年四月雨雹大如鵝卵壞禾麥

十六年十月十四夜有流星自南而西大如斗照耀林木聲殷

地若雷

懷寧縣志

卷三十三 祥異

八

十九年大旱饑

二十年正月朔大雷

二十四年孫中瑞妻聶氏百有二歲賜八葉衍祥匾額其間復

有未能詳年代者程永士百有二歲汪文明百有一歲凌恒士

百有一歲盧明爵百歲程肇鉅妻方氏百有三歲丁統萬妻陳

氏百有二歲雷昊妻侯氏百有二歲沈呂氏百有一歲江棟生

妻何氏百歲其上逮高堂下見曾玄有司奏聞賜以七葉衍祥

綽楔五代同堂匾額或未及舉報例應邀賜者男則有鄭隆萬

操思鴻劉達勳程宦榮

俱賜七葉衍祥

張文揚王詠元程澣山

俱未報

婦

則有李家塾妻劉氏王國計妻陳氏程超妻陳氏明代百歲惟

桂仰字止齋一人附載於此

本道光志戶口移入

道光元年夏雞翅上生距閭邑殺雞殆盡腹中多有剖得小蛇
蠕蠕然

二年郝顯達百有三歲

三年自三月至七月霽雨江水壞民田舍大饑

以上道光志陳世鎔李時溥分

纂

十一年大水

十二年大水

十七年中秋夜天裂有光西至東歷歷有聲

二十七年大水

懷寧縣志

卷三十三 祥異

九

二十九年大水滄沒田廬人畜有入市深丈餘者饑民賴平糶
兼賑以活

三十年民查懋祝妻一產三男

咸豐三年冬塘水溢奔激上岸如牛吼

六年大旱赤地千里自四月至八月不雨斗米千錢飢民嗷嗷

食榆樹皮葉殆盡

八年夏慧星見光芒亘天七月始止

十一年程富元妻一產三男

同治元年丁宗熾賜六世同堂匾額

五年四月某日巳刻晝晦天雨如斷絲

七年七月初八日西南忽見火光墜地卽上升其形如龍
八年大水沿江圩堤多破壞

十年夏訛言妖術剪髮人多駭異

十二年元旦天雨黑水十月十一月十二月每逢初三初十二
十夜間西方起圓暈如盞大漸高數丈有光旋落

十三年七月初午刻太白經天

光緒元年正月十四日雷鳴雨雪雞雛四翅四足六月白虹貫
月雞卵黃內有小卵黃白壳全

二年五月地生毛拔之約寸許皆白色

三年地震剪髮暨剪婦女脚後底皮

七年二月大雪大凍河冰堅可行人

八年慧星見五月蛟水起英霍由潛山漫溢太湖宿松望江懷
寧五邑冲沒田廬塚墓滄斃人畜無算賴賑以濟

九年治塘西民婦一產兩男背相連數日死秋間天雨黃豆炒
食之微苦能已瘧疾

十年治塘謝家豕產象

十一年塘水沸而溢忽漲忽落約一時許

十三年正月大雪平地三四尺有誤陷致死者夏旱飢人有食
觀音土者

十四年黃文經百有一歲

十五年六月白龍見

十六年治塘吳家婦女產一物狀若守宮長尺許擊乃斃

十七年十月夜嚮晨東方雲中有物蠕動有光色赤如血形大如盤

十八年正月初五日大雷三月初四日狂風暴雨損壞房屋無算

二十年邵定琮百歲

二十四年 月晝晦黑約二時許

二十八年十二月二十四日自昏暮至夜分大霧四塞氣如硫黃

三十年李琴堂賜五代同堂匾額十二月十二日大雪雨十五十九兩日皆然

三十二年二月夜靜有聲不斷如雷

三十三年魯世才百歲五世同堂

三十四年江水自小孤山至蕪湖澄清月餘

宣統元年蘇起德百有一歲賜六品頂戴並賞銀緞

二年七月熒惑入南斗慧星見除夕大雷電

三年二月魯顯鳳妻王氏一產三男六月有流星自西至東炸裂有聲

民國元年六月二十六日夜風雨大作積水如淡墨色江南北

皆然稻黃而稗忽黑腐收成大減雜糧亦然

二年冶塘民家產一牛五足

三年雞翅生距八月三十日大雷電雨雹大木斯拔冬大凍菜麥苗多死傷楊彝評妻李氏百歲大總統撰給燕善頤年匾菊潭銘杖昭邦瑞蓉府稱觴迓盛庥聯并如意女禮服等件端木增百有五歲其妻馬氏百有一歲卒謝克儉五代同堂

四年三四月兩次大風雨雹大如卵近望邑地竟有大如碗者菜麥屋瓦毀傷無算石牌民家鼠入牛腹牛旋死七月淥水鄉蝗蝻生蔓延三四里知事朱之英往鄉月餘躬親督捕不爲災

道光後壽登百歲未能詳時代者男則有章應富

鄉飲大賓見同治志劉

元音韓積慶朱葆中謝守章俱百歲劉家紳百有三歲甯烝蘭百有二歲婦則有裴思孔妻楊氏百有四歲方繼三妻楊氏百有三歲何恩舍妻李氏百有一歲董先士妻汪氏何恩城妻劉氏俱百歲五世同堂者男則有汪宗甲詹生福余文萃黃賢蓋貢生黃日王道成婦則有張啟聰妻何氏孫香山妻張氏其亦

一時厚氣所鍾與

黃振坤續纂